

緊那羅摩睺羅伽人非人等聞佛所說歡喜奉行

十二佛名神呪校量功德除障滅罪經

佛說稱讚如來功德神呪經

唐三藏法師義淨奉制譯

如是我聞一時薄伽梵在王舍城鷲峯山頂與大苾芻衆千二百五十人俱菩薩摩訶薩萬二千人俱皆是賢劫大菩薩衆爾時世尊

於此衆中告慈氏菩薩摩訶薩曰今現在十方諸佛如來勝妙吉祥名號若有善男子善女人於此如來名號憶念受持一心恭敬所有業障報障破戒重罪悉皆除滅勝妙善根真實功德勸請隨喜迴向發願一切功德永不退轉菩提之心能九我今欲說汝應諦聽十四

南無東方無垢光如來 南無東南方衆辦莊嚴如來 南無南方無垢月幢旗王如來 南無西南方光焰莊嚴如來 南無西方寶勝如來 南無西北方俱摩羅光如來 南

無北方無畏無垢稱如來 南無東北方離
怖畏悚懼有大名稱如來 南無上方師子
奮迅意如來 南無下方金華光如來
爾時世尊復告慈氏菩薩東方去此過十不
可說百千億數微塵佛土有佛世界名妙真
珠彼國有佛號曰虛空功德目淨無垢光德
相蓮華焰瑠璃色寶體香上妙供供養以衆
妙彩而爲嚴飾頂上肉髻妙相無邊日月光
明願力莊嚴變化莊嚴廣大莊嚴法界高勝
無染寶王正徧知如來授一無比菩薩記彼

佛滅度次當成佛號曰毫相殊勝猶如初日
燈光月焰波頭摩華身色如金滿虛空界光
明廣大無礙莊嚴圓光十方普照一切無不
明了幢相旗王正徧知如來佛言慈氏當知
若有善男子善女人能於此諸佛名受持禮
拜專心恭敬於十日中自說罪咎復以勸請
隨喜迴向發願勝妙善根所有業障報障破
戒重罪悉皆消滅雖處生死未免流轉而不
退失求菩提心所生之處族姓尊貴遠離貧
窮邊地下賤六根圓滿衆人愛敬端正無比

常值善友不過惡人諸有願求悉皆隨意財
寶榮位無不遂心命終之後生諸佛國先作
如是禮懺事已至心讀誦此陀羅尼即說呪
曰

但姪他 惡契莫契 三曼多目契 騷鞞
欲帝 陀泥三摩瑜祇 質多鞞跋多 惡
契目契 薩多陀泥 毗吠帝 三曼多窣
泥_{去聲}薩多曷羅謎 目帝鉢喇目底 四嚩
密麗 牟薩麗 阿三謎 談謎 阿至麗
末至麗 菩提曷囉膩 薄呼掬 摩愈揭

喇四 辛底謗計 醯摩伐底 樹底伐底
達摩震帝 阿蹉歌單 曷囉敵歌單 塞
建陀 毗薄帝 莎訶
爾時世尊復說頌曰

六十億大仙 皆受持此呪 彼常念不散
見在十方住 於所在生中 常值善知識
所有希望者 應念皆隨意 現前見諸佛
而在蓮華座 常持此呪者 具相而化生
念定皆安隱 智慧日增明 所聞能受持
諸句義不忘 若持諸佛名 是世歸依處

不墮於惡趣 常生善道中 此人由佛力
常得殊勝處 乃至證菩提 妙行常修習
佛土多千億 黃金滿持施 若人持佛名
福聚多於彼 斯人合供養 隨其所在生
恒生富貴家 勇健施無恪 一切諸香氣
能九 天赤梅檀香 經多百億劫 常從其口生
若人舍宅中 寫佛名供養 眷屬常安隱
無諸惱亂事 若人常誦持 長壽并無病
恒逢於善友 臨終不亂心 如來功德聚
福量難思議 智人應誦持 當勤莫放逸

爾時薄伽梵為慈氏菩薩并諸大眾說是經
已慈氏菩薩等及諸苾芻人天大眾聞佛所
說皆大歡喜頂受奉行

佛說稱讚如來功德神呪經

音釋

鏃前作木切 筋舉欣切 療力弔切 茵地因切
莖莖其呂切 蔕蔕胡麻切 榘榘其切 揶揶昌切 篲篲其切
梨梨定人切 娠娠孕切 蜚蜚列切 窶窶其切 揶揶昌切 篲篲其切
通通眉切 歆丘奇切